



## STATVTA.

**S**chedula sive repertorium seriei & Circensium pradiſti, manu propria Cancellarij, Vicecancellarij, & Collegij cuiusq; & Aula Praefecti, in Archivis Universitatis una cum alijs monumentis reponatur, habeantq; singula Collegia exemplar Authenticum, unde vices suas certo possint cognoscere.

2 Neminem ad munus Procuratorij dignitatem admitti fas esto, priusquam quatuor annos, a suscepto Magisterij gradu (hoc est a die creationis sua in Comitibus publicis) compleverit, vel postquam annum decimum excesserit ab eodem die terminando Decennium.

3 Nullus gradu aliquo in Theologia, vel Iure, vel Medicina, insignitus, Procuratoris munus obibit nec (nisi officio deposito) ad gradum aliquem Procurator quovis eodem anno promoveatur.

4 Die Mercurij post primam Dominicam in Quadragesima, in singulis Collegijs, secundum ordinem praescriptum quotannis Procuratorum fiat electio.

5 Die Mercurij, hebdomadam Paschatis proxime sequente, tempore pomeridiano, in Domo Convocationis, eorundem peragatur admissio, quibus loco & tempore, Procuratores anni superioris Insignia officij sui deponant, cum Oratunculis (ut solet) & deinde, statim novi in Domo Convocationis secundum formam, iam olim usitatam, per Vicecancellarium admittantur.

6 Procuratoribus vero, sic (ut praefertur) per Vicecancellarium adsumendis Praefecti Collegiorum eligentium, una cum ceteris eorundem Alumnis, singuli ornamentis gradui suo competentibus ornati, Comitatum ad Templum Beatae Mariae Virginis eundo exhibeant personalem: qui quidem Praefecti & Deputati, Procuratores respectu suos secundum ritum antiquum admittendos Vicecancellario praesentabunt. In senioris Procuratoris locum assumetur, qui in serie Magistrorum eisdem Comitibus creatorum secundum dispositionem Procuratorum (ut moris est) ordine prior collocatur.

7 In Electione Procuratorum in Collegijs facienda, Doctoribus tantum, & Magistris in Artibus, actualiter creatis, eiusdem Collegij suffragandi ius competat. — Quod si privata cuiusvis Collegij statuta, aliam electionis domestica formam praescriberint, cuius observationi Iuramenti vinculo artius astringuntur, in hoc casu (nec alius unquam) ad evitandum peritij periculum, praescriptam immutandi Electionis formam potestatem facimus. — Nullus Convictor seu Commensalis in hac Electione suffragandi privilegio gaudebit, qui non a primo ad Academiam adventu in Collegium, ea vice Procuratorem nominatum, admissus non noviter accessus fuerit, in eoq; educatus, electionis huius tempore ibidem residet & commoratur. — Residentes vero interpretamur, omnes Collegiorum Socios, Scholares, Clericos, Capellanos seu quocumq; alio vocabulo in charta foundationis eiusdem nominati, & dotati inveniuntur. — Convictores non item nisi per sex menses in anno electionem huiusmodi immediate praecedente, in eodem personaliter resederint.

8 Procuratorem in unoquoq; Collegio (provi vices postulant) rite & legitime Electum decernimus, quem maior pars suffragantium nominabit, quod si duo, pari vterq; numero suffragiorum nominentur, ille pro electo habeatur, quem Praefectus vel (eo absente seu sede vacante) eius vicem gerens nominabit. Sin plures nominentur, nec unus aliquis maiorem partem suffragiorum omnium retulerit, nec eodem die eam ob causam Electio absoluta fuerit, & ante horam nonam vespertinam Vicecancellario renuntiata, Collegium istud ius praesentandi, ista vice amittat, & ad Vicecancellarium spectabit nominatio, qui intra biduum aptam personam & secundum conditiones superius assignatas, habilem, ex Aularum aliqua assumendam in Procuratorem cooptabit.

9 Si nullus, in Collegio Procuratorem designatur, habilis reperitur, qui possit, & velit istud munus subire, tunc Collegij istius Praefectus, vel (eo absente aut sede vacante) eius vicem gerens die Electionis constituto, alium (quem voluerit) habilem, in Aularum aliqua degentem nominabit, qui deinde in Procuratorem assumetur.

## STATVTA.

10 Si Procuratorem aliquem mori contigerit, vel quavis de causa ante anni sui expirationem, officio suo cedere locum eius supplebit alius eiusdem Collegij habilis & idoneus, per Praefectum seu (eo absente aut sede vacante) eius vicem gerentem, intra septimanam post mortem nominandus. Quod si talis non extiterit, tunc Vicecancellarius, aliquem habilem in Aularum quacumq; commorantem, in Procuratorem substituet, ut supra.

11 Neminem Procuratoris absentis vices, ad quamcumq; munus istius expeditionem supplere licebit, qui tres annos a suscepto Magisterij gradu, non compleverit.

12 Ut Aularum, (qua in Procuratorum nominatione nullas vices obtinent) ratio aliqua habeatur, Volumus, ut quolibet quarto anno, qui Procuratoris iunioris locum sortitur, seniore in Comitibus eiusdem anni Magistrum, Aula alicuius Alumnus designet. — Procurator vero senior quolibet anno quinquennio Magistrum etiam in Aularum aliqua degentem scholis praeficiat.

13 Ut etiam tumultuatio ista, & molestia, circa Electionem Collectorum Quadragesimalium, penitus tollatur, Statuimus, quod Procuratores pro tempore existentes, in Festo Ovorum, Collectores antedictos designabunt singuli unum, quem visum fuerit, in Collegio quocumq; vel Aula degentem. Quorum admissio, modo vel forma, per Domm Convocationis assignanda celebrabitur. Et, nisi ad alterum ratione promotionis (secundum Statuta Universitatis) Senioritatis ius pertinerit, qui prius ad Gradum Baccalaurei in Artibus praesentatus & admissus fuerit, Senioris locum occupabit. — Atq; hi Collectores, Classes Determinantium in Quadragesima, & cetera quae secundum morem antiquum sui muneris sunt praestituri & ordinabunt: Si vero Procurator quivis, circa Collationem officij Collectoris praedicti pretij accepti, seu repetundarum, convictus fuerit, idem eo ipso officio suo submovebitur, & feuda quacumq; seu pecuniarum summas, a Baccalaureis eiusdem anni per eum acceptas in usum Cistae Academicae praesentis Statuti vigore Vicecancellario refundere tenebitur.

14 Si ambiguitas aliqua, vel dubium aliquod, praeter praenominata occurrat, circa Electionem, modo praescripto in Collegijs faciendam, ne gliscente inter partes discordia, scandalum exinde oriatur, per Vicecancellarium, Doctorem in Theologia seniore, modo sit praefectus Collegij alicuius, tempore Electionis Domi praesentem, & Praefectum Collegij in Electione tunc temporis interesse habentem, vel horum duos, (quorum Collegij Praefectum unum esse volumus) controversia istiusmodi terminetur. Quod si Praefectus Collegij antedictus, tunc temporis Vicecancellarij locum obtinuerit, tunc duos in Theologia Doctores, maxime seniores (sed Collegiorum ut praefertur praefectos) sibi assumat, quibuscum causa istius cognitionem habeat.

Atq; haec Statuta singulaq; eorundem particulas, nulli Dispensationi quavis de causa sub praetextu quovismodo obnoxia perpetuo inviolata manere volumus.

Quas quidem Ordinationes, Statuta, & Decreta, Serenissima Regia Maestatis, sic ut praemittitur in Domo Convocationis, aperta voce lecta & publicata (non obstantibus quibuscumq; Statutis ante hac editis) celebris ille coetus Doctorum, Magistrorum Regentium & non Regentium summa cum acclamatione, omniq; animi alacritate acceptarunt, & unanimi omnium consensu confirmarunt, & ratificarunt: Literasq; gratulatorias serenissima Regia Maestati, nec non Cancellario nostro honoratissimo, ab Academia mittendas decreverunt.

OXONIAE,

Excudebat Iohannes Lichfield, impensis  
Guilielmi Davis, A.D. 1629.

